



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio administrativo de
San Caetano, bloque 3, 2º
15781 Santiago de Compostela
Tfno.: 981 545 400
Fax: 981 546 597



FONDO EUROPEO DE
DESENVOLVEMENTO REGIONAL
"Unha maneira de facer Europa"

galicia

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA DA XUNTA DE GALICIA E O MOSTEIRO CISTERCIENSE DE SANTA MARÍA A REAL DE OSEIRA PARA A POSTA A DISPOSICIÓN DOS TERREOS E INMOBLES NECESARIOS PARA A EXECUCIÓN DAS OBRAS DE CONSERVACIÓN E POSTA EN VALOR DO CONXUNTO MONUMENTAL DO MOSTEIRO DE SANTA MARÍA A REAL DE OSEIRA: IGREXA E ESPAZOS DE USO PÚBLICO, NO CONCELLO DE SAN CRISTOVO DE CEA, OURENSE, COFINANCIADAS POLO FONDO EUROPEO DE DESENVOLVEMENTO REXIONAL (80%) NO MARCO DO PROGRAMA OPERATIVO FEDER 2014-2020.

27 XULL. 2017

Santiago de Compostela,

REUNIDOS

Dunha parte, D. Román Rodríguez González, actuando en representación da Consellería de Cultura, Educación e Ordenación Universitaria, en virtude do seu cargo de conselleiro, en exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa Presidencia, así como o artigo 2º da Resolución de 8 de abril de 1991, pola que se fai público o acordo do Consello da Xunta de Galicia de 27 de marzo de 1991 sobre convenios de cooperación con outros entes públicos e de colaboración con particulares.

Doutra, D. Alfonso Lora Astudillo, actuando en representación do Mosteiro Cisterciense de Santa María a Real de Oseira, en virtude da súa condición de Padre Superior do mosteiro.

Todas as partes teñen plena capacidade para levar adiante o presente convenio de cooperación e por tanto,

EXPOÑEN

Primeiro: Que a Xunta de Galicia asume a xestión das funcións sobre o patrimonio cultural en virtude do Real decreto 2434/1982, do 24 de xullo, sobre traspaso de funcións do Estado á Comunidade Autónoma de Galicia en materia de cultura, de acordo co establecido no artigo 27.18 do Estatuto de Autonomía, en consonancia co estipulado no artigo 148.1.16 da Constitución Española, ámbito desenvolvido na Lei 5/2016, do 4 de maio, do patrimonio cultural de Galicia.

Segundo: Que conforme o artigo 4º do "*Convenio de Colaboración entre os bispos das dioceses que comprenden o territorio da Comunidade Autónoma de Galicia e a Xunta de Galicia, co fin de garantir a conservación e fomentar ou promover o enriquecemento do patrimonio artístico e documental da Igrexa*", formalizado polo "Acordo marco entre a Xunta de Galicia e os Bispos das dioceses que comprende o territorio da Comunidade Autónoma de

Alfonso

ABADÍA CISTERCIENSE

SANTA MARÍA A REAL DE OSEIRA



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio administrativo de
San Caetano, bloque 3, 2º
15781 Santiago de Compostela
Tfno.: 981 545 400
Fax: 981 546 597



FONDO EUROPEO DE
DESENVOLVEMENTO REXIONAL
"Unha maneira de facer Europa"

galicia

Galicia" asinado o 17 de abril de 1985, a Xunta de Galicia conforme as súas dotacións orzamentarias, asume o compromiso de contribuír ás necesidades de conservación, mellora e adecuada protección do patrimonio artístico e histórico **propiedade da Igrexa Católica**, así como de subvencionar ou dotar, no seu caso, os convenientes medios persoais e técnicos para a súa eficiente utilización pública.

Terceiro: Que a Igrexa Católica e á titular do seu patrimonio histórico, artístico e documental, que se pon a servizo da sociedade, titularidade que, a tenor da Constitución Española e do Estatuto de Autonomía de Galicia e do resto da lexislación aplicable, a Xunta de Galicia recoñece, así como a súa natureza e finalidade relixiosa e o uso relixioso dos mesmos que se desenvolve de forma compatible coa función cultural que posúe o devandito patrimonio.

Cuarto: O mosteiro cisterciense de Santa María a Real de Oseira, cedido pola Deputación da Ourense á orde cisterciense, foi declarado Ben de Interese Cultural (BIC) con categoría de monumento pola Orde, do 12 de abril de 1923, publicada na Gaceta do 24.04.1923.

Ademais é un ben integrante do Inventario Xeral do Patrimonio Cultural de Galicia e forma parte do Plan Estratéxico para a protección e a conservación do patrimonio cultural de Galicia dentro do obxectivo operativo 2; medida 2.1.1.4 "conservación mosteiros, conventos, abadías, igrexas e patrimonio eclesiástico".

Quinto: Coa finalidade de evitar que o deterioro progresivo poida afectar aos elementos construtivos, estruturais ou funcionais do inmovible é preciso executar a intervención de conservación e restauración e mellorar a posta en valor do mosteiro.

Por todo o exposto, as partes acordan subscribir un convenio de colaboración baseado nas seguintes

CLÁUSULAS

Primeira.- Obxecto do Convenio

O obxecto do presente convenio de colaboración é regular as bases de colaboración entre a Xunta de Galicia, a través da súa Consellería de Cultura, Educación e Ordenación Universitaria, **e o Mosteiro cisterciense de Santa María a Real de Oseira para a a conservación, restauración e /ou rehabilitación dos espazos, muros e elementos artísticos de interese do monumento**, cofinanciadas polo Fondo Europeo de Desenvolvemento Rexional (80%), no marco do programa operativo Feder Galicia 2014-2020, eixo 6, prioridade de investimento 6.3 e obxectivo específico 6.3.1

Para o desenvolvemento deste proxecto non é posible promover a concorrência pública, xa que o estado de deterioro progresivo podería afectar aos elementos construtivos, estruturais ou funcionais do inmovible, polo que é necesario a realización de actuacións de reparacións no ámbito da igrexa deixando rematado o seu interior e así evitar a perda dun ben integrante do patrimonio cultural de Galicia. Por outra banda, as intervencións obxecto

Alfonso Vázquez

AYUDÍA CISTERCIENSE

SANTA MARÍA A REAL DE OSEIRA



do presente convenio están incluídas na proposta de actuacións elaborada pola Subdirección Xeral de Conservación e Restauración de Bens Culturais, dentro do plan de conservación, restauración e posta en valor de edificios e bens eclesiásticos, que inclúe actuacións en catedrais, igrexas, conventos, abadías e mosteiros, e cumpre todos os criterios obxectivos fixados nesta programación.

Segunda.- Obrigas da Consellería de Cultura, Educación e Ordenación Universitaria

A Consellería de Cultura, Educación e Ordenación Universitaria da Xunta de Galicia, dentro das liñas de actuación que en materia de protección, conservación e posta en valor do patrimonio cultural, están sinaladas no seu programa de obxectivos, realizará as actuacións oportunas para a execución das actuacións de conservación e posta en valor no conxunto monumental do mosteiro de Santa María a Real de Oseira, San Cristovo de Cea (Ourense), cofinanciadas polo Fondo Europeo de Desenvolvemento Rexional (80%), no marco do programa operativo Feder Galicia 2014-2020, con cargo aos orzamentos xerais da Comunidade Autónoma de Galicia mediante a tramitación dos instrumentos xurídicos oportunos.

A Consellería de Cultura, Educación e Ordenación Universitaria, conforme á lexislación de aplicación e á tramitación e procedementos establecidos para a contratación polas administracións públicas, supervisará e aprobará os proxectos e contratará as obras.

A Consellería de Cultura, Educación e Ordenación Universitaria a través dos seus servizos técnicos e dos profesionais alleos contratados para realizar a dirección facultativa dos traballos realizará o seguimento das obras e o control económico e técnico das mesmas.

Terceira.- Obrigas do Mosteiro cisterciense de Santa María a Real de Oseira

Pola súa banda, o Mosteiro cisterciense de Santa María a Real de Oseira comprométese a autorizar a plena e libre dispoñibilidade dos terreos e inmobles necesarios a favor da Consellería de Cultura, Educación e Ordenación Universitaria para que esta poida acometer a execución das actuacións obxecto do presente convenio.

Unha vez rematadas as obras, a entidade titular asumirá a xestión, mantemento e conservación dos inmobles dos que sexa titular. Para estes efectos, unha vez recibidas as obras pola Consellería de Cultura, Educación e Ordenación Universitaria, poñerá no seu coñecemento, entendéndose que a citada comunicación determina o nacemento das obrigas previstas nesta cláusula.

A entidade titular do inmovible sométese ao cumprimento das normas comunitarias, e, en particular, comprométese a:

- Respetar, de ser o caso, as normas de subvencionalidade do gasto do Programa Operativo Feder 2014-2020 contidas na Orde HFP/1979/2016, de 29 de decembro.
- Cumprir as normas de información e publicidade establecidas no Regulamento (UE) nº 1303/2013 do Parlamento Europeo e do Consejo, do 17 de decembro de 2013



ABADÍA CISTERCIENSE
SANTA MARÍA A REAL DE OSEIRA



(DOUE L 347, de 20 de decembro de 2013), en particular as establecidas no anexo XII, apartado 2.2 do Regulamento.

- Cumprir as disposicións específicas relativas ao obxectivo de inversión en crecemento e emprego establecidas no Regulamento (UE) nº 1301/2013 do Parlamento e do Consejo de 17 de decembro de 2013 sobre o Fondo Europeo De Desenvolvemento Rexional.

Cuarta.- Comisión Paritaria

Coa finalidade de asegurar o cumprimento do presente convenio, créase unha comisión mixta de seguimento e control, integrada por dous membros de cada unha das partes. Esta comisión será a encargada de solucionar as controversias que se poidan suscitar na interpretación do convenio.

Quinta.- Resolución

O presente convenio resolverase polo incumprimento total ou parcial dalgunha das cláusulas que o regulan.

Sexta.- Vixencia

O presente convenio entrará en vigor o día da súa sinatura e estará vixente ata a finalización das obras obxecto do mesmo.

En todo caso, a duración máxima prevista non poderá ser superior aos catro anos, salvo que normativamente esté previsto un prazo superior, de acordo co artigo 49 apartado h) da Lei 40/2015, do 1 de outubro, de Réxime Xurídico do Sector Público.

Sétima: Publicidade

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, o mosteiro cisterciense de Santa María a Real de Oseira acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

ABADÍA CISTERCIENSE
SANTA MARÍA A REAL DE OSEIRA



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Edificio administrativo de
San Caetano, bloque 3, 2º
15781 Santiago de Compostela
Tfno.: 981 545 400
Fax: 981 546 597



FONDO EUROPEO DE
DESENVOLVEMENTO REGIONAL
"Unha maneira de facer Europa"

galicia

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

Oitava.- Réxime Xurídico

Este convenio ten natureza administrativa. As cuestións litixiosas xurdidas da aplicación do presente convenio, e non resoltas en vía administrativa, serán resoltas pola xurisdición contencioso-administrativa.

E en proba de conformidade cos termos do presente convenio, as partes comparecentes asínano e rubricano por duplicado exemplar no lugar e data expresados.

O conselleiro de Cultura, Educación e
Ordenación Universitaria,

Román Rodríguez González



O Padre Superior do Mosteiro de Santa María
A Real de Oseira

Alfonso Lora Astudillo

ABADÍA CISTERCIENSE
SANTA MARÍA LA REAL DE OSEIRA